

直隸絳州志卷之二十

雜志 災祥

周

貞定王三年地震

考王八年彗星見

十三年無雲而雷桃杏冬實

威烈王三年有大火下於北方其聲如鼓

安王十五年大風晝晦 竹書紀年

顯王七年大雨三月魏敗韓趙兵於澮

九年彗星見

直隸絳州志

卷之二十 雜志

一

十年星晝墜有聲 史記

二十三年絳中地坼西絕於汾 竹書紀年

秦

始皇四年大雪

漢

景帝後二年秋大旱冬十月日月皆赤十二月雷日  
色如紫五星逆行太微月貫天街中

哀帝建平元年十二月白氣出西南從地上至天出  
參下貫天厠廣如一匹布長十餘丈十餘日去 天文

志

章帝建初五年二月戊辰木火俱在參古今注

和帝永元元年正月辛卯有流星起參長四丈有光

色黃白古今注日癸亥鎮在參

永元七年二月癸酉金火俱在參

晉

愍帝建興元年汾水大溢

北魏

明元帝永興五年三月戊辰月行參犯太白

宣武帝景明元年八月乙亥頻暴風靄霜

景明四年三月大風拔樹

直隸絳州志

卷之二十

雜志

二

孝莊帝永安三年五月乙亥太白在參晝見

前廢帝普泰元年十月甲寅金火歲土聚於觜參

東魏

孝靜帝元象元年八月東雍州獻嘉禾靈徵志

元象四年大旱

興和三年大旱

北齊

武成帝河清二年四月蟲傷稼遣使賑恤齊書

唐

高祖武德二十一年旱

太宗貞觀二十一年秋旱

貞觀十三年地震 乙亥又震

高宗永徽元年四月己巳旱蝗 五行志

龍朔三年十月十六日麟見

睿宗景雲二年正月甲戌地震壞廬舍覆壓百餘人

五行志

玄宗開元二十年六月癸丑黃龍興觀池同心蓮一

莖

代宗大曆七年七月芝草生

穆宗長慶四年好蚘害稼 五行志

直隸絳州志

卷之二十

雜志

三

文宗太和六年秋旱

懿宗咸通六年正月大風拔木有十圍者 五行志

十二月地震地裂泉湧泥出青色

咸通八年正月地震壞廬舍壓人有死者有傷殘

者

僖宗乾符五年秋大雨汾溢流害稼

宋

太祖建隆四年六月蝗

乾德元年二月辛亥饑 宋史

開寶五年大水

開寶七年旱

太宗太平興國七年春旱赤地

淳化二年旱

仁宗天聖三年饑

哲宗紹聖四年州治廨新亭池產蓮一莖而雙菡萏

徽宗政和三年火

元

世祖至元二十六年夏大旱

五行志

成宗元貞二年四月饑賑之

五行志

大德七年地震

直隸絳州志

卷之二十

雜志

四

武宗至大二年七月蝗

順帝至元六年五月辛卯雨雹大者二尺餘

五行志

十四年十二月辛卯州北方有紅氣如火蔽天

元史

二十一年十月癸巳有赤氣見北方如火

二十三年六月丁巳白虹二道衝斗牛閒

二十七年正月己未夜天鼓鳴空中有戰鬪聲

七月丁酉星隕光耀如晝

至正十八年冬十月兩日相鬪

明

正統十四年冬十月文廟前柏樹下有二瓜同蒂而

生其狀如斗

成化元年二月彗星見在西北長三丈餘三月乃沒  
二十一年大荒有食人者

嘉靖七年荒

十三年大饑冬十月星隕如雨

二十一年七月朔日食既晝晦星見如深夜

二十四年十二月二十四日夜地大震覆墻壓人  
有死者地裂湧水

隆慶元年天裂

萬曆元年天裂

直隸絳州志

卷之二十

雜志

五

十四年十五年大荒米價一兩四斗

發帑金賑之

二十八年秋八月池水自溢

三十年六月初十日夜大水平地高一丈有奇漂  
沒北董等莊

三十二年六月大水地裂辛安諸村雷雨異常水  
深數尺無所洩忽地裂水注之水盡地復合又諸  
裂外隔而中通有穀麥陷於此裂者或漂出於他  
裂人墮裂中復從他裂出

三十三年五月城西雨雹如拳

三十七八九年旱蠲免秋夏稅

四十一年六月二十一日汾水漲溢入城民舍傾圮

四十四五年蝗

四十六年彗星見出東南直冲紫微垣白氣長丈餘五十日始沒

崇禎六七年大荒米麥價銀一錢二升發帑金賑濟

八年米麥價銀一錢四升五合

九年米麥價銀一錢二升五合又雨雹大如鷄卵

核桃

十一年蝗

直隸絳州志

卷之二十

雜志

六

十二年蝗

十三年五月十三日汾水竭

十四年大荒米市絕餓死者四坑皆滿

國朝

順治八年六月泮池水香如龍腦味月餘乃止

九年六月十三日汾水漲溢衝南門桂安兩坊水深丈許街巷結筏以濟房舍大半傾圮西北諸村

多遭漂沒行莊爲甚

康熙四年彗星見

七年正月彗星見六月十七日地震

十六年雨沙

十七年秋九月大雨雪深數尺樹木皆折

十八年春正月不雨至夏四月秋淫雨二十五日

二十二年夏大水秋大旱

二十三年大有年

三十年夏大旱秋七月蝗

三十一年大饑並疫

三十二年大有麥

三十三年大有秋

三十四年夏四月地大震數十日乃止

直隸絳州志

卷之二十

雜志

七

四十三年秋無禾冬桃杏紫荊花

四十四年夏大熟

四十六年十二月梁周熊妻一產三男

四十七年春正月地震

四十九年夏六月地大震

五十五年春二月地震

五十六年冬十月日重珥

五十九年旱無禾

六十年天鼓鳴歲大旱民饑斗米價銀一兩遣官

賑恤蠲免錢糧有差

六十一年冬十二月日有三珥

雍正元年大有年

乾隆元年秋大熟

七年春地震

十年七月澮河漲

十三年饑  
米以賑之

州尊李公諱高勤伸士捐

二十四年二月旱至七月初九日乃雨民饑

二十年六月中浣雨雹如雞子

二十六年七月十七日汾水漲溢城內水涂一仞澮水亦

漲與汾水並流

三十九年二月朔日傍晚大風揚沙自北而南不見天日

雜志 兵事

周

靈王二十二年欒盈有罪奔齊三月晉將嫁女於吳齊侯使析歸父媵之以藩載欒盈及其士納諸曲沃四月盈帥曲沃之甲因魏獻子晝入絳范宣子奉平公如固宮范鞅用劍以帥卒欒氏退欒樂斷肘而死欒魴傷欒盈奔曲沃晉人圍之盡殺欒氏之族黨

北魏

太平眞君七年春正月戊辰魏世祖次東雍州庚午

直隸絳州志

卷之二十

雜志

九

圍薛永宗營壘永宗出戰大敗六軍乘之衆潰永宗赴汾水死

孝昌二年六月絳賊陳雙熾聚衆反自號始建王曲赦平陽建興正平三郡詔假鎮西將軍都督長孫稚討平之

東魏

薛榮祖鎮東雍州西魏建州刺史楊擲將謀取之乃先遣奇兵急攻汾橋榮祖果盡出城中戰士於汾橋拒守其夜擲率步騎二千從他道濟遂襲克之沙苑之敗高歡徙秦南汾東雍三州入於并又欲棄

晉州遣家屬向英雄城薛循義諫曰若晉州棄定州亦不可保歡怒循義曰若失守則請誅歡以循義行晉州事循義在州擒西魏所署正平太守段榮顯招降胡酋胡垂黎等部落數千口表置五城郡以安處之時山胡侵亂循義追討破之進爵正平郡公

北齊

天保三年斛律光除晉州刺史東有周天柱新安牛頭三戍招引亡叛屢爲寇竊七年光帥步騎五千襲破之又大破周儀同王敬儁等獲口五百餘人

直隸絳州志

卷之二十

雜志

十

雜畜千餘頭而還九年又率衆取絳川白馬澮文翼城等四戍除朔州刺史十年除特進開府儀同三司二月率騎一萬討周開府曹廻公斬之柏谷城主儀同薛禹生棄城遁取文侯鎮置柵而還

隋

仁壽四年漢王諒餘黨據晉絳呂三州未下詔左武衛大將軍周羅暉進兵圍之爲流矢所中遂卒於師旋平賊

大業十一年絳郡賊敬槃陀柴保昌等阻兵數萬汾晉苦之詔民部尚書樊子蓋進討於時人物殷阜

子蓋善惡無所分別汾水之北村塢盡焚之百姓大駭相率爲盜其有歸者無少長悉坑之擁衆數萬經年不能破詔徵還十二月以李淵代之有降者淵引置左右由是賊衆多降

唐

高祖克霍邑進攻臨汾郡絳郡通守陳叔達拒守進攻克之獲陳叔達

武德二年劉武周偕僞西南道大行臺宋金剛總兵二萬人寇據并州遣金剛攻陷晉州執右驍衛將軍劉宏基進破澮州夏縣人呂崇茂殺其令自號

直隸絳州志

卷之二十

雜志

十一

魏王以應賊隋河東守將王行本與武周合關中震動詔秦王督兵進討屯柏壁又詔永安王孝基與于筠獨孤懷恩唐儉等攻夏縣不克軍城南呂崇茂與武周將尉遲敬德襲破孝基軍四將被執敬德還澮州王邀戰破之於美良川敬德復與尋相援王行本於蒲阪王又破却其軍蒲州降上幸蒲津關王自柏壁輕騎謁行在金剛遂圍絳州王還屯金剛引退

上元初河中節度都統處置使李國貞治於絳尋加晉絳慈隰沁等州觀察處置使既至糧乏而所輸

陳腐民貧不忍遽歛上書以聞而軍中讜諂突將  
王元振乘衆怨給曰具畚鍤以待役事衆皆怒夜  
燒牙門左右奔告請避之國貞曰吾被命爲將其  
可棄城乎固請乃逃獄中元振引衆劫取之置食  
其前曰食是而役其力可乎國貞曰爾等方討賊  
何事役爲正緣儲食腐儉已請諸朝吾何所負衆  
服其言且引去元振曰都統不死吾曹殆盡矣遂  
害之并殺其二子及三大將有詔以郭子儀代之  
元振謂且見德子儀怒曰汝臨賊境而害王將賊  
若乘虛是無絳矣又欲爲功乎卽斬以狗

大曆中晉絳慈隰節度使馬燧討李懷光率步騎三  
萬次於絳畧定諸縣降其將馮萬興任象玉遂圍  
拔外郭守將夜棄城去將四千人遣李自良定六  
縣降其將辛旻收卒五千裨將谷秀違令掠士女  
斬以狗

中和元年代北起軍使陳景思行至絳州沙陀軍亂  
大掠而還

中和三年李克用代鄭從讜爲河東節度使從讜行  
黃頭軍以糧少劫其貲從讜間走絳州方道梗不  
通數月乃達長安

光啟中李罕之攻州王友遇降之

龍紀元年李存孝攻州取之

乾寧中王珙王琮連兵河中珙厚賂王行瑜等攻王

珂珂求救於李克用西討王行瑜攻下絳州斬刺

史王瑤

文德元年春河陽節度使李罕之攻絳州降之進攻

晉州河中王重盈密結河南尹張全義圖之全義

潛師襲河陽罕之出奔專以寇鈔爲事懷孟晉絳

閒州無刺史縣無令長田無麥禾邑無烟火者殆

將十年河中絳州之間有摩雲山最高州人壁其

直隸絳州志

卷之二十

雜志

十三

地避亂羣賊往攻之不克李罕之以百人徑拔之

人號爲李摩雲

五代晉

天福十二年後漢高祖發太原出晉絳絳州刺史李

從朗拒之親至城下諭之乃降上命親將分護諸

門士卒一人毋得入

宋

靖康元年金兵破城巷戰三日旣拔乃播遷居民而

以郊居者實之

建炎二年夏五月金婁室自長安大掠而東時絳州

猶固守婁室還軍陷之

金

太宗天會時河東郡縣多叛穀英以先鋒攻絳州克之

興定二年十一月甲申河東南路隰吉等州聽絳州元帥府節制十二月己亥朔升絳州爲晉安府總管河東南路兵降平陽爲散府河東路安撫使蒲察婁室復取平陽晉安

興定三年十一月戊午元兵下晉安府行元帥府事工部尚書粘割貞死之

直隸絳州志

卷之二十一

雜志

十四

興定四年三月僉樞密院事完顏賽不奉詔出兵河北招降晉安權府事皇甫珪正平縣令席永珪率五千餘人來歸得糧萬石時河北所在義軍官民堅守堡寨力戰破敵者衆賽不上章言此類忠赤可嘉若不旌酬無以激人心乞朝廷量加官賞萬一敵兵復來將爭先効用矣上召樞密官曰朕與卿等亦嘗有此議以不見彼中事勢故一聽帥臣規畫今觀此奏甚稱朕意其令有司遷賞之四月遷樞密副使

興定五年五月完顏賽不引兵救河東戰屢捷復晉

安平陽二城遣使來獻捷御史烏古胡魯劾其縱將士虜掠上以賽不有功詔不問賞議亦寢  
元光元年七月庚戌元將按扎兒以其衆屯晉安翼州之境冬十月己卯元右副都元帥史天倪從木華黎徇河東至絳州其團樓橈以石牢不可破天倪命穴其旁地虛樓陷遂拔之以谷里夾打爲元帥達魯花赤攻拔石隰州擊絳州克之

明

洪武元年馮勝克平陽絳州十二月副將軍馮宗異攻州克之擒元右丞田保徐伯昌獲將士五百人

直隸絳州志

卷之二十

雜志

十五

崇禎庚午辛未閒秦寇猖獗屢八絳郡蹂躪焚掠慘不忍言段家莊增生段袞率鄉兵張鵬翼單自成劉孟才史邦俊等與官軍逐賊劉峪澤掌閒奮不顧身籌畫多中機宜保全良多

崇禎甲申正月闖賊入城搜括富人及鄉紳財名曰納餉士夫慘加三木多遭酷掠死

雜志 異事

周

晉侯改葬共太子秋狐突適下國遇太子太子使登僕而告之曰夷吾無禮余得請於帝矣將以晉畀秦秦將祀余對曰臣聞之神不歆非類民不祀非族君祀毋乃殄乎且民何罪失刑乏祀君其圖之君曰諾吾將復請七日新城西偏將有巫者而見我焉許之遂不見及期而往告之曰帝許我罰有罪矣敝於韓

左傳

晉文公時宰人上炙而髮繞之文公召宰人而譙之

直隸絳州志

卷之二十

雜志

十六

曰汝欲寡人之哽耶奚爲以髮繞炙宰人頓首再拜請曰臣有死罪三拔礪砥刃利猶千將也切肉肉斷而髮不斷臣之罪一也援木而貫鬻而不見髮臣之罪二也奉熾鑪炭火盡赤紅及炙熱而髮不燒臣之罪三也堂下得微有疾臣者乎公曰善乃召其堂下而譙之果然乃誅之

說苑

晉平公至澮上見人乘白驂八駟以來有狸身而狐尾去其半而墮公之車以問師曠對曰狸身而狐尾其名曰首陽之神飲酒於霍太山而歸其逢君於澮乎君其有喜

瑣語

晉文公出大蛇當道如拱文公反修德使吏守蛇吏  
夢天殺蛇曰何故當聖君道覺而視蛇則自死也

張華博物志

襄王二十四年十二月庚辰晉將殯文公於曲沃出  
絳柩有聲如牛卜偃使大夫拜曰君命大事將有

西師過軼我擊之必大捷焉

左傳

定王六年獲秦謀殺之市六日而蘇

左傳

景王十一年春石言於晉魏榆晉侯問於師曠曰石  
何故言對曰石不能言神或馮焉不然民聽濫也  
抑臣又聞之曰作事不時怨讎動於民則有非言

直隸絳州志

卷之二十

雜志

十七

之物而言今宮室崇侈民力彫盡怨讎並作莫保  
其性石言不亦宜乎於是晉侯方築廐祁之宮叔  
向曰子野之言君子哉君子之言信而有徵

左傳

敬王七年秋龍見於郊魏獻子問於蔡墨曰吾聞之  
蟲莫知於龍以其不生得也謂之知信乎對曰人  
實不知非龍實知古者畜龍故國有豢龍氏有御  
龍氏龍水物也水官棄矣故龍不生得

左傳

貞定王十六年原過遇神人於王澤

詳見古蹟

威烈王二十年五月有三大犬率犬數萬殺一犬於

東方殺一犬於西方

舊志

梁

天監三年武帝有疾使臣朱明月求甘露於九原山

得之舊志

隋

汾陰侯生天下奇士也王度常以師禮事之臨終贈  
度以古鏡曰持此則百邪遠人度受而寶之鏡橫  
徑八寸鼻作麒麟蹲伏之象遶鼻列四方龜龍鳳  
虎依方陳布四方外又設八卦卦外置十二辰位  
而具畜焉辰畜之外又置二十四字周遶輪郭文  
體似隸點畫無缺而非字書所有也侯生云二十

直隸絳州志

卷之二十

雜志

十八

四氣之象形承日照之則背上文畫墨入影內纖  
毫無失舉而扣之清音徐引竟日方絕嗟乎此則  
非凡鏡所得同也宜其見賞高賢是稱靈物侯生  
嘗云昔者吾聞黃帝鑄十五鏡其第一橫徑一尺  
五寸法滿月之數也以其相差各校一寸此第八  
鏡也雖歲祀悠遠圖書寂寞而高人所述不可誣

矣古鏡  
紀序

行絳晉呂三州諸軍事周羅暉中流矢卒於師送柩  
還京行數里無故輿馬自止策之不動有飄風旋  
遶焉絳州長史郭雅稽顙祝曰公恨小寇未平耶

尋卽除殄無爲戀恨於是風靜馬行隋書

宋

薛簡肅公知開封府時明叅政鎬爲府曹官公待之甚厚以公輔期之其後公守秦益常辟以自隨優禮特異或問公何以知其必貴公曰其爲人端肅其言簡而理盡凡人簡重則尊嚴此貴臣相也其後果至叅知政事時皆服公知人歸田錄

薛簡肅公守蜀一見華陽范鎮愛之館於府舍俾與子弟講學鎮益自謙退每步行趨府門踰年人不知其爲帥客也及還朝載以俱有問公入蜀何所

直隸絳州志

卷之二十

雜志

十九

得曰得一偉人當以文學名世鎮殿試第七十九

人厚德錄

聶昌臨川人靖康中登政府出知絳州遇害紹興張洙自北歸至絳見驛壁有血詩云星流一箭五心摧電掣雙眸兩臂開車馬踐時頭似粉鳥鳶啄處骨如灰父兄有感空垂淚子弟無知不舉哀回首臨川歸未得冥中空築望鄉臺時以爲昌之精魂所作

明

閻同芳字金峯三林里人居鄉以方直聞嘗募建本

莊神廟公正勤劬著有成績年七十微疾而卒入  
殮時已越三日身軀頓長面色如生重生鬚髯其  
長過臍以手捋之北常鬚爲弱柔釋之應手而舒  
里中來觀者如堵莫不驚爲神異逝之日天色未  
曉鄉人王全文見其策杖而行入莊北廟中容貌  
服色辨之最眞初不知其旣没也

舊志

右軍都督府都事陶石橋居憂於家維歲戊戌秋其  
庭柱閒產芝一本二十餘莖如割脂鏤玉敷暢鮮  
潤士大夫觀者咸謂之瑞且曰此石橋孝感所致  
也

康熙八年六月十三日儒學明倫堂夜有火光如盃  
自西南來著於堂西閒梁稅上更許乃隱

舊志